

SIARAN AKHBAR

S.A. 2023/05/17_27 (HQ)

PMU MID VALLEY TERBAKAR: BEKALAN ELEKTRIK PULIH SEPENUHNYA

- Bekalan dipulihkan sepenuhnya sekitar jam 12:30 tengah hari
- Pemulihan bekalan di sebahagian besar kawasan seawal 10:55 pagi

Tenaga Nasional Berhad (TNB) berjaya memulihkan bekalan kepada sebahagian besar pengguna seawal empat minit gangguan berlaku pada kejadian kebakaran Pencawang Masuk Utama (PMU) Mid Valley pagi ini. Bekalan dipulihkan sepenuhnya sekitar jam 12:30 tengah hari.

Tindakan pantas Pasukan Teknikal TNB telah dapat memulihkan bekalan elektrik seawal jam 10:55 pagi. Bekalan elektrik dipulihkan secara berperingkat dengan majoriti kawasan terlibat mendapat bekalan masing-masing dalam tempoh satu setengah jam.

Menurut Ketua Pegawai Grid, Ir. Dev Anandan, pemeriksaan TNB mendapati PMU tersebut terpelantik pada jam 10:27 pagi dan bekalan terputus mulai jam 10:51 pagi. Gangguan bekalan itu melibatkan kawasan terhad sekitar Mid Valley dan sebahagian Desa Pantai.

Untuk makluman katanya, sistem pengangkutan di KL Sentral tidak terjejas kerana mendapat punca bekalan yang berbeza.

“TNB mengucapkan terima kasih kepada Jabatan Bomba dan Penyelamat atas bantuan memadamkan kebakaran tersebut. Kami memohon maaf atas segala kesulitan yang dialami oleh pengguna terlibat.” katanya lagi.

Untuk sebarang pertanyaan mengenai gangguan bekalan, pengguna boleh menghubungi talian TNB Careline di 15454.

Dikeluarkan di Kuala Lumpur pada 17 Mei 2023, jam 2:00 petang

Untuk pertanyaan lanjut media, sila hubungi Hanim Idris 019-2617617 /

Grace Tan 016-6626229 / Faiq Haikal 013-3889606

atau emel kami: media@tnb.com.my



Ketua Pegawai Grid TNB, Ir. Dev Anandan